

**CEEB TOOM TXOG KEV MUAJ NEEG NYIAG NKAG MUS MUAB NTAUB NTAWV
(NOTICE OF DATA PRIVACY EVENT)**

Hnub Thursday, lub 7 hli, tim 16, xyoo 2020, Tsev Kho Mob Enloe tau txais ib daim ntawv ceeb toom los ntawm peb ib lub lag luam tuav peb cov ntaub ntawv, hu ua Blackbaud, Inc. (“Blackbaud”), hais tias muaj ib qho xwm txheej tshwm sim nyob saum nruab ntug (cyber incident) rau lawv cov ntaub ntawv. Blackbaud yog ib lub lag luam uas pab saib xyuas thiab tswj tej tsev kho mob thiab tej koom haum cov neeg ua hauj lwm thiab saib xyuas tej nyiaj xtiag rau lawv tib yam li lawv saib peb lub Tsev Kho Mob Enloe thiab. Thaum txais kiag tau qhov kev ceeb toom txog qhov kev tshwm sim saum nruab ntug no, peb maj nroos los tshawb xyuas kom peb to taub txog qhov teeb meem no seb yog dabtsi thiab seb nws puas muaj feem cuam tshuam rau peb Tsev Kho Mob Enloe cov ntaub ntawv li cas. Daim ntawv ceeb toom tuaj rau nej sawv daws no yog qhia txog seb qhov xwm txheej lub lag luam Blackbaud hais tuaj no yog dabtsi, seb peb cov lus teb zoo lidas, thiab seb ho muaj kev pab dabtsi rau peb cov neeg mob kom pab tiv thaiv tau lawv tej ntaub ntawv kom txhob muab los siv tau ua lwm yam, thiab seb lawv ho xav ua dabtsi ntxiv rau.

Muaj Dabtsi Tshwm Sim? Blackbaud qhia hais tias, thaum lub 5 hlis, xyoo 2020 no lawv tau pom ib qho xwm txheej uas cia li tshwm sim tuaj es ua rau lub lag luag Blackbaud cov kev ua hauj lwm (systems) raug kaw tag nrho. Lub lag luag Blackbaud thiaj li hu qhia tub ceev xwm thiab pib ua tes dej num nrog pab neeg tshawb nrhiav (forensic investigators) seb qhov xwm txheej tshwm sim no yog dabtsi tiag. Tom qab tshawb nrhiav tag, lub lag luam Blackbaud qhia rau tag nrho cov koom haum nws saib xyuas (customers) tias tej zaum yog muaj leej twg nkag tau mus saib lub lag luam Blackbaud no cov koom haum lawv tuav tej ntaub ntawv lawm. Lub lag luam Blackbaud tau qhia tias lawv tej ntaub ntawv tau raug nyiaj los ntawm lwm tus neeg ua ntej lub lag luam Blackbaud muab xauv kom lwm tus txhob nyiaj tau txij thaum lub 5 hlis, tim 20, xyoo 2020 no los. Thaum lub lag luam Blackbaud qhia qhov xwm txheej no tawm, Tsev Kho Mob Enloe maj nroos los tshawb xyuas seb puas muaj dabtsi, yog muaj no, seb yam ntaub ntawv dabtsi hauv Tsev Kho Mob Enloe ho raug cuam tshuam. Qhov kev tshawb xyuas no muaj xws li mus muab tej xwm txheej tswm sim tom lub lag luam Blackbaud los saib kom peb to taub seb tej ntaub ntawv uas raug nyiaj hauv lub lag luam Blackbaud yog dabtsi thiab dabtsi tiag. Qhov kev tshwm sim hauv lub lag luam Blackbaud no tau raug rau ntau lub koom haum nyob thoob plaws hauv ntau lub nroog uas nyob hauv lub xeev no. Qhov kev tswm sim no tsis yog luag txhob txwm tsoom ib tug twg nyiaj, tiam sis yog nyiaj ncaj rau ntau lub koom haum suav tsis txheej nyob ua ke xws li peb lub Tsev Kho Mob Enloe kuj yog ib lub uas raug nyiaj thiab.

Cov Ntaub Ntawv Dabtsi Yog Cov Neeg Nyiaj Tau? Raws li qhov kev peb tshawb nrhiav tau nyob hauv lub lag luag Blackbaud los mas yog peb cov neeg mob cov npe, chaw nyob, cov ntaub ntawv qhiv hnub tus neeg mob tawm mus tsev, thiab seb tus neeg mob tuaj kuaj mob rau qhov chaw twg. Tej zaum cov ntaub ntawv kuj yuav muaj tus neeg mob li hnub yug, xov tooj, thiab tus email address. **Lawv nyiaj tsis tau Tsev Kho Mob Enloe cov neeg mob cov xaus saus (Social Security numbers), cov khaj them nqi los sis tej as khauj hauv txhab nyiaj (credit card numbers or bank account information) vim tsis muaj cov ntaub ntawv no nyob hauv lub lag luam Blackbaud cov ntaub ntawv ces lawv nyiaj tsis tau zaum no.**

Peb Ua Dabtsi Tam Sim No. Kev zais lus, kev txwv tsis pub sib qhia, thiab kev tiv thaiv tej ntaub ntawv yog qhov peb saib nruj tshaj tam sim no, thiab peb muab qhov xwm txheej tshwm sim no saib tseem ceeb heev. Ib qho kev cog lus uas peb yuav tau ua tas li yog los tswj thiab tiv thaiv tej ntaub ntawv uas yog peb li, peb tab tom rov qab los saib peb cov cai thiab tej kev peb ua hauj lwm nrog peb cov tswv cuab sab nrauv, thiab ua hauj lwm nrog lub lag luam Blackbaud los tshawb fawb seb puas muaj tej yam dabtsi peb yuav tau ua ntxiv thiab seb yam twg thiaj zoo los tiv thaiv kom txhob muaj tej yam teeb meem li no tshwm sim ntxiv rau lub neej tom ntej. Peb los kuj yuav qhia mus rau hauv Loos Kam Saib Xyuas Kev

Website Notice

Noj Qab Hauv Huv Hauv Teb Chaws Miskas (United States Department of Health and Human Services) no thiab xa mus rau hauv lub xeev no raws li cov cai.

Koj Yuav Ua Tau Dabtsi? Peb xav kom peb cov neeg mob ceev faj txog tej uas lam muaj neeg kom muab koj tej ntaub ntawv tseem ceeb uas yog siv koj tus xaus saus. Qhov nov yog hais txog thaum muaj neeg hais kom koj muab koj tej ntaub ntawv tshwj xeeb xws li tej ntaub ntawv qhia koj tej nyiaj hauv tuam txhab nyiaj los sis kom muab koj tus xaus saus nab npawb rau lawv thiab kom muab tus neeg mob uas nyuam qhuav mus kuaj mob los tej ntaub ntawv rau lawv yam li yog muaj tiag. Dhau ntawd, ib qho uas ib txwm zoo rau yus ua ces yog txhua tus yuav tsum ua zoo saib seb Qhov Nuj Nqis Yuav Pab Tau Yus ntawd puas yog ib qho txaus ntshai los sis tsis yog tej yam tau kev tso cai los ua thiab yuav tsum tau qhia tej uas neeg dag li no mus rau tub ceev xwm.

Yog leej twg muaj lus nug ntxiv no ces hu tau mus rau tus xov tooj uas peb npaj los teb nej tej lus nug rau qhov kev tshwm sim no ntawm (855) 380-6161, Hnub Monday txog Friday thaum 6:00 am txog 8:00 pm sij hawm sab hiav txwv (PT) thiab Hnub Saturday thiab Sunday thaum 8:00 am txog 5:00 pm PT. Npaj muab tus nab npawb Engagement Number DB22362 no rau peb thaum hu tuaj.